

۱ مایس
۱۹۲۶

تورک تاریخ انجمنی

مجموعه‌سی

اون آلتنجی سنه
نومرو ۱۵ (۹۲)



عبدالحمید ثانینک نوطلری

[کچن نسخه دن مابعد]

برآ وافر عسا کر پر سلاح اولدقلری حالده سونکولری تفنکاری اوجنده آتش ایتمه مهیا و بحرآ بیوک زرهیلردن بشقه متعدد کوچک واپور و صندال لر عسکر ایله مالامال اولدیغی و آغزلری سرای اوزرینه چوریلش متعدد طوپلری حامل بولندیغی حالده همان یناشمغه آماده ایدیلر . بونلری مشاهده بیوردقلری هنگامده آرتق شبهه محل قالمایوب حکم قدره تبعیتدن بشقه چاره اولدیغی معلوملری ایدیهده مفسدینک اشبو حرکت ظالمانه لری وجدان پاکلرینه پک کران کله رک درحال سلطان عبدالعزیز خانی تخلصدن بشقه برشی دوشونمیدیلر . سلاح استعمالنده مهارت تامه لری اولدیغندن و عروق حیت و صداقلرینی اول قدر غدر و جفایه قارشو تسکینه مقتدر اولدقلرندن همان چرکس کوله لرندن احمد بک اسمنده بریسنی یانلرینه آلوب سلطان عبدالعزیزک دائره سنه کیتملکی فقط اورایه قدر مسافه خلی بعید اولدیغی و اثنای طریقه بر قاچ یرده قره غول و نوبتجیلره تصادف ایله جکلری محقق ایدوکی جناب اقدر القادرینک عون صمدانیسنه صیفینه رق اوکلرنده بولنوب مرورلرینه ممانعت ایدم جکلرک ایشلرینی بیترمکی کندولری درعهده و فقط آرقه دن نفس هایونلرینی وقایه ایچون مذکور چرکس احمد بکک معاونت صادق سنه استناد ایتملکی تصیم بیورمشلر ایدی .

نه چاره که بودفعه دخی مغدور مشارالیهک طالع ناسازی حائل اوله رق شوکتمآب افندیمز احمد بکی بکله مکده و بو ایسه بولنه مدیغندن یعنی بولندقلری دائره آبلوقه تحتنده اولدیغندن کله میوب برده و اوایلای عمومی آره سنده سلطان عبدالعزیز مرحومک بالجمله شهزادکان و خاندان ذاتیسیله و حافظ محمد و فخری بکلر کی برایکی خائن قرناسیله برابر قایق ایله طوپ قپو سراینه متوجهاً ساحلدن آجیلدیغی مشاهده اولمشدر . قایق ساحلدن ایکی قایق طولی آجیلیر آجیلماز مومی الیه چرکس احمد بک اوچ درت مترو ارتفاعنده بولنان بر دیواردن آتیه رق قوشوب کلش ایسه ده ایش ایشدن

کچمش اولدیغندن بو احوال اسف اشماله هر طرفدن واوللا ايله آغلامقدن بشقه بر علاج بولنه مامشدر .

سلطان عبدالعزیز مرحوم اون یدی سنه مدتله وکال شان و شرفله ایفا ایلدیکی تاج و تخت سلطنتندن خلع اولنش و یرینه علیهنده میلیونر صرفیله نهایت موفق اولان مراد افندی پادشاه انتخاب ایدلمش ایدی . یوز بر باره جلوس طوپلری دخی بو ائشاده آتلقدده ایدی .

حالبوکه او کیجه ساعت بش آلتی صولرنده حسین عونى و مدحت و رشدی و محمودپاشا و خیراه افندی محمودپاشانک قوناغنده عقدانجمن فساد ایتیش واورادن هر بریسنک وظیفه لری تعیین اولنهرق و لازم کلنلر جلب ایدیلهرک و اوامر و تعلیمات لازمه اعطا اولنهرق بشکطاش سرای هایونی عسکر و صندال و واپور ايله احاطه ایدلمش و ماده مؤله خلعهده موفق اولمشلر ایدی .

بوندن یکریمی اوتوز ساعت مقدم یعنی بازار ایتسی کونی اقشام اوستی استانبولی استیلا ایدمه جکلرینی اشاعه ایلدکلری مسقوفلرک علیهنده و شهری محافظه و فقط بر آتش ظهورنده صانکه سرای و پادشاهی محافظه ضمنتده همان سرای هایونه کلنلر اوزرینه آتش ایتلرینی امر ایدرک سلطانیه واپور هایونیه شاملی بر قاج طابور عسکری سرای پیشکاهنه چیقارهرق سرائی بو عسکرله قوشا تمشلر و اثنای خلعهده کرک عسکره و کرک اهالییه اولا سلطان عبدالعزیز وفات ایلدی دیو اعلان ایدرک و مؤخرأ حقیقت حالی اظهار ایلهرک جمله یی اغفال ایلشلردی .

مرحوم مشارالیه عساکر مذکورهنک بر واپور دروننده سرای پیشکاهنده لئکرانداز بولنمئسندن شبهه لهنهرک حسین عونى یی جلب ایتک اوزره حسنی بک نامنده بیکباشی بر یاورى دفعاتله کوندرمشلر ایسهده حسین عونى دخی بوندن شبهه لهنهرک « یارین کلورم » دیو سرائیه کیتهمش و حسنی بک هر نه قدر حضوره چیقوب مفسد مشارالیهک عدم اطاعتی و کلاملرینی حرفیاً نقل ایتک ایسته مش ایسهده مرحومک قرناسندن حافظ محمد بک ذاتاً جمعیت فسادیه افرادندن بولندیغندن کرک مذکور عسکرک مناسبتسز بر زمانده سرای اوکنده وجودینی و کرک حسین عونى نک دعوت هایونه عدم اجابتی (عسکری سلیمیه قیشه سنده یرلشدیریور . یارین صباح کلوب

خاكاپاى شاهانه كزه يوز سورە جكدرك (ديو اهميتىمىز كوسترەرك و مرحومى تسكين و تأمين و او يود و نجه يە قدر اغفال ايلهرك حسين عونى نك و رفقاسنك خيانت و جنايتنى سترە موفق اولمشدى [۱] .

[۱] حسنى بكك اثنائى محاكمه ده تقديم ايتدىكى ورقە مندرجاته نظراً خلعدن بركون اول سرقىن حافظ محمد بك « افندىمىز حرم هايونە تشرىف بيورمىزدن اولجە سرعسكر پاشانك سربايە جليله بعض ارادات تبليغى فرمان بيوردىلر . كندىم كيدە جك ايدىسەم دە بورايە جلبى صراحة بيان ايلدكلرندن شايد كندولرىنى كورر مطالعه سى وارد خاطر اولديغندن ويا باب سرعسكرى يە كوندريلىن ياوزلر باروتخانه ده اولدقلىنى خبر وركلرندن يولده چويرمك اوزرە نوبجى ياورى كوندردم ايسە دە سنده حسين عونى پاشانك ياليسنه كيت اشبو اراده يى تبليغ ايله « ديمش ، حسنى بك ، حسين عونى پاشانك ياليسنه كيدرك اراده سنيه يى تبليغ ايلديكندە بروجه آتى محاورە جريان ايتمشدر :

— ايشلرم وار ، كيدە ميه جكم . يارين كليرم . — سرقنايه سرعسكر پاشا كله ميورلر ديدىكم وقت بنده كزى تكدير ايدرلر . نيچون كوزلجە تحقيق ايتدك ، سرعسكر پاشانك ايشلرى نەدن عبارت ايمش و نيچون كله ميورلر ديدىكى وقت نەديه يم .

— سزى تكدير ايتزلر . كيدك بوراجه ايشيم اولوب كيدە ميه جكمى بيان ايدىكز . — طولمە باغچه ساحليرانى او كندە لىكر انداز اولان سلطانیه واپور هايونى نرەدن كلوب نرە يە كيدە جك ، دروننده كى عسكر نەدر ونه مقداردر ؟ [بوسوالى ، حسنى بك كندىلكندن ايراد ايلديكىنى اشارت ايدىيور] .

— بنده شمى او واپوردن كله يورم . عسكر ، شام رد يفلريدر و درت طا بوردر . سليميه قشله سنه يارين چيقاره جىز .

-- ديمك كه شمى كله ميه جكسكز . — يارين ان شالله كله يورم .

حسنى بك ، محاوره يى و سرعسكر ك طورندن متحصل تاثراتى نقل ايلديكندە محمد بك « ايش ذاتاً اهميتلى دكل ايدى . اردهانه كوندريلىن طولرە دائر اولديغندن سرعسكر يارين كله ، تبليغ ايدرم . نيه متأرا وليورسك » ديمشدر . او طەدن كيدر ايكن محمد بك چاغيرە رق عسكر سليميه قشله سنه چيقاريله جفى تكرر ايتديروب . اورايە كلن - باش مصاحب هاشم آغا يە پادشاهه او يولده عرض ايدىلىنى تنبيه ايتمشدر .

بعد الخلع هاشم آغا ، سرعسكر ك ياليسنه نيچون كوندريلىدىكى وعودته محمد بك نە سويلدىكى صور مسيله حسنى بك محاوره واقعه يى نقل ايلديكندە هاشم آغا « آه برادر ، سرقنا بكا بويله سويلەمدى . سرعسكر پاشا سليميه قشله سنده اولوب طشرەدن كلن عاكرى قشله يە يرلشدير مكدە و ايشلرينك كيجه التى ويا يدى يە قدر انجى اكال اولنه جفى و فرداسى اركن كله جكنى و سيمه حال كلرى فرمان بيوريليرسە كندىليرنە سريماً معلومات و يريلدىكى تقديرده ايشلرينى ترك ايدوب كله جكنى سويلدى . بنده افنديمىز بويله جە عرض ايتديكندە « تكرر خبر كوندركم ايستەمىز ايشلرى وار ايمش . وارسون يارين صباح كلسون » ديه فرمان بيوردىلر » ديمشدر .

او صباح اثنای خلعه سرای هایونی احاطه ایدن طابورلر بیکباشیلرندن عزت بک نامنده بریمی که مؤخرأ سلطان عبدالعزیز مرحومک شهادتنده دخی ذی مدخل اولدینی تین ایلشدر . شوکتآب افندیمرک دائرهلری پیشکاهنده عسکره خطاباً « سزی ویزی و مملکتیزی سلطان عزیز مسقوفله تسلیم ایتک ایسته یور ایدی . مسقوف کفارینی استانبوله صوقق ، استانبولی آنلره ویرمک اوزره ایدی . سلطان مراد سزی و مملکتی قورتاردی . سلطان عزیزک یرینه سلطان مراد پادشاه اولدی . سلطان مرادی محافظه ایدیکز . سلطان عزیز ی قاجیرماییکز ، حفظ ایدیکز . » یوللو لسانمه آلمغه حجاب ایلدیکمز بر طاقم تفوهات وهذیانلرده بولندقدن صکره فرانسه شورشنده اولدینی کبی « یاشاسون ملت ، یاشاسون وطن ، یاشاسون سلطان مراد » دیو باغیرمقده وبو تفوهات ی برقاج یرده تکرار بتکرار عسکره خطاباً ایراد ایلکده وبو ائنده نه سرایدن طیشارو ونه ده طیشارودن ایجرویه هیچ کیمسه نک دخول ویا خروجنه مساعدده ایدلمه مکده ایدی . بتون سرای خلقی بو وجهله ابلوقه تحتنده بولدینی و کوچک بیوک هر کس هر طرفدن دوچار تحقیرات و تهدیدات اولدینی صروده برده بیوک سلطنت قایینی ایله مراد افندیمرک بشکطاش سراینه کلدیکی کورلمشدر .

بر آز مدت صکره شوکتآب افندیمر ایله افندیلر حضراتی کیدوب رسم تبریکی ایفا ایدمیلوب ایدمه میه جکلرینی استفسار ایله بو یولده استیدان بیورملری و مساعدده اولنسی اوزرینه بالمله افندیلر حضراتی برچوق نقطه لر و سونکولی نوبتجیلر آرمه سندن کچرک مراد افندیمرک بولدینی دائره میه کیش و ممکن مرتبه احوال جاریه دن حاصل اولان تأثر درونلرینی ستر ایتمه سعی ایتش و رسم تبریکی ایفا ایلشدر ایدی . مراد افندی ایسه بو ائنده « حکم قدر او یله ایتش » دیو قهقهه ایله کولمکدن فارغ اولما مقده ایدی . برچاریک قدر ملاقات ایدیلدکن ووالده سیله دخی عین صورتله ایفای مراسم تبریک سازی ایلدکن صکره دائره لرینه عودت بیورمشلردر . او کوندن خلعتک آلتنجی بازار کونه قدر یعنی سلطان عبدالعزیز مرحومک فرعیه سراینده وقوع شهادتیه دکن سرای ایچنده ذکور وانات بالمله خاندان و جواری و افراد اوزرینه اجرا ایدیلن مظالم ناقابل تعریفدر .

فی الواقع سلطان عبدالعزیز مرحومک دائره سی خلقی بشکطاشدن طوب قپو

و فرعيه سراى هميونلرينه كيدر كن اوستلرى باشلى تحرى اولمقده و تحريسى محرمته ياقشيمان يرلرينه قدر بر طاقم حرم آغالرى و بعض ضابطان طرفدن تحرى اولنهرق سنه لرجه ولى نعمتلرينه خدمتلرى ائاسنده نائل اوله بيلدكلرى بش اون پاره لك آچه و مجوهراتلرينه و بر قاچ ليرالق ساعتلرينه و ارنجهيه قدر ضبط و مصادره ايدلمكده و مرحوم مشاراليهك اشياسى نقل ايديلديكى صروده بتمامها توقيف و مصادره اولنهرق و حتى مرحومك شهادتندن بر هفته صكره ارتحال داربقا ايدن دردنجهي قادينى يعنى نجابتلو شوكت افندى ايله اسما سلطانك والده لرى درجه غايه ده خسته اولدينى حالده فرعيه سراينه نقل ايدلك اوزره قايعه بينديرلمكده ايكن باشنى و اوموزلرينى ستر ايدن و صفوقدن محافظه سنه مدار اولان بر پارچه شال اوراده بولنان و تحقيقات اخيره ده سلطان عبدالعزيز مرحومك قاتللرندن اولدينى تين ايدن نجيب نامنده بر خان ضابط طرفدن مشاهده اولنهرق عنف ايله آلتوب اشيا مصادره سنه مأمور آدمه ويرلش و بو وجهله عفيفه مشاراليها آچيق صاچيق بيكلرجه خلق و قايقچيلر و عسكر آره سنده قالمش و بو حال پرملالى چشم تحسرله مشاهده ايله ين بيكلرجه خلق و افنديز ايله اهل بيتلرى كوزلرندن قانلى ياشلر دوكمه مك قابل اولمامشى . كيجه لين ساعت بش التى راده لرنده اشيا نقلى بهانه سيله شوكتما ب افنديزك دائره لرينه طاقم طاقم حمال قياقتلى برچوق حشرات كيروب چيقمقده و اشيا يوغيمش ديو چيقوب ريختيم اوزرنده دائره نك قارشوسنده مدت طويله طور مقده و بو حال ايسه شوكتما ب افنديزك تهالك عظيمه ده اولدينى ايما ايلمكده ايدى .

زيرا افنديزك دائره لرى موقع و وضعيتى مناسبتيله هر جهتن تعرضاته آچيق ايدى . بو صروده شوكتما ب افنديز جان و ماللرندن امين اولدق لرندن بندگان صادق لرندن بعضي سى سلاحديردرك استطاعت اوزره بولمق لغه مجبور اولمشلر و فى الواقع آتيده تفصيلاً بيان و اثبات اولنهنجنى وجهله خلع سلطان عبدالعزيز خانينك دردنجهي كوني نسبتيه قصرينه بالمله افنديلر حضراتى دعوت اولنهرق كافه سنك اتلافي تصميم ايديلديكى [۱] اليوم محقق و اول وقت برحس قوى حائنده بولنديغندن حال استطاعت مباحوث

[۱] بىك تپهنده كى نسبتيه قصرينه دعوت مسئله سنه دائر عبدالمجيد ثانى نك آريجه مخرطه سى واردر . بونده سلطان مرادك قرناسندن سيد بك و ساطيته قصره نه يوله دعوت ايدلديكى و جلوسندن ايكي اوج آى صكره سيد بك جلب و استنطاق اولمش ايسه ده دعوتك سببى

عنه كروه مفسدين طرفدن مشاهده اولنه رق فكر فاسد لرینك حیز ملضته خروجه مانع اولمش ایدی . مذکور جمعیت فسادیه افرادینك رؤسای مفسده سندن اولمق اوزره بر شخصك دخی ذكری لازمه دندركه بو شخص عن اصل یونانی اولدیغی حالده اسقالاری غرلاندى ناميله معروف و كرك دور سلطان عبدالعزیز خاندن و كرك شوكتآب عبدالحمید خان افندمرك جلوس میامن مأنوسلرندن صكره اجرا سندن كیری طور مدینی فسادات واغوا آتیله مشهوردر .

بومفسد لیم، ولی عهد. مشارالیه واتباع وعونه سنه ماصونلق قواعدینی تعلیم ایله انسانیت وهم جنسنه معاونت نقابلری التده جمعیت معلومه افرادینه فساد و ملعت درسلری تدریسيله پرنس وعونه خونه سنی عموجه سنك و ولی نعمتلرینك علیهنده

سویله مه مكدده اصرار ایتدیكى بیان اولنه رق خاتمه ده « وقت وزمان اقتضاسندن اوله رق اوآره لق بویه شیلری آره مق بك ابی شی اوله میه جفی وبلکه بوندن طولایی بعض آدمیره بیوجك مجازاتلر ایدیلک لازم کلهجکی ملاحظه سنه مبنی آتییه برا قیلمشدی » دنیل مكدده در. بوقره یه نظراً بالاخره اجرا قیلنان محاکمه مشهوره و مجازات معلومه نك دها اوزماندن مصمم اولدیغی آ کلا شیلور .

سلطان مرادك جلوسنك دردنجی كونی مابینجی سیدبك، ولی عهد عبدالحمید افندینك دائره سنه كلهرك دیگر افندیلر نسبتیه قصرینه کلهجکرندن ایرتسی صباح قصرده بولنلمسی و سلطان مرادك ده کلوب برلکده طعام والتفات ایدهجکنی تبلیغ ایتش و مشارالیه معذرتنه بناء کیده میهجکنی سویله مك اوزره سلطان مرادك نزدینه کیتدیکی صیره ده داماد نوری پاشا ایکی دفعه کلوب قولاغنه برشی سویله مش اولدیغی اثنای محاکمه ده سؤال اولندقه نوری پاشا شوجوانی ویرمشر: « سلطان عبدالحمیدك تشریفلرینی والده سلطان خبر آلمسی اوزرینه بنی جلب ایدوب » نسبتیه دعوتنه دائر زنه ار برشی آچامسنی اخطار ایت « دیه امر ایتسیله سلطان مرادك قولاغنه سویلیدیكم والده سنك بوتنیهی ایدی . کیفیتی والدهیه سویلیدیكمده تکرار بنی اوغلنه کوندروب » اکر سلطان عبدالحمید نسبتیه دعوتنه دائر برشی آچهجق اولورسه دخی آکا دائر هیچ بر جواب ویرمسون « دیدی ، ینه کیدوب تفهیمه مجبور اولدم . والده نك مکرر خبر کوندرمى مرادك ایشدن خبری اولیوب شاید سوز آچیلیرسه ایشك میدانه چیقهجفی مطالعه سندن نشأت ایدهجکی درکاردر .

سلطان عبدالعزیزك خلعیله صورت انتقالنه دائر وزرای وکلادن کال پاشانك سویلیدیکی مرثیه - هنکام محاکمه ده - غزته لرله اعلان ایتدیریلشدرکه نسبتیه قصرینه دعوت مسئله سی اوسریه ده سویله نقل اولنیور :

« خلعدن صكره سرور ایتشدی اوچ کون ناکهان نسبتیه قصرینه مدعو اولوب شهزادگان آکلادی مقصد نه در سلطان حمید نکته دان ایتیموب قصره عزیمت قیلدیلر تخلیص جان »

ودولت و حكومتى اساسندن تهيز ايدى چك بر طريق مفسدته دوامه ترغيب ايلر و پرنس ايله درجه ارتباطنى اول درجهيه وارد ير مش ايدى كه روزوشب تزدنده بولنور و قور بىغلى دره چقتلكنده كل يوم سفره سنده باش باشه ويره رك طعام ايلد كدن ماعدا صيق صيق دخى مخفياً سراى هايونه كله رك پرنسك حرم دائره سینه دخول ايله اوراده بلا تكلف خرستاكى و كوچه اوغلى اغوب و رضا پاشا و اوغلى ابراهيم و كمال بك و طيب قاپليون ايله بر لكده صباحلره قدر عيش و عشرت و فساد پلانلرى ترتيبيله اشتغال ايلد كدن صكره اوراده بيتوتت ايلكده ايديلر .

مؤخرأ شوكتآب افنديمك جلوسلردن صكره دخى ليئم مرقوم غرلاندى ، اوقاف مستشارى متوفى عزت افدينك اوغلى عزيز بك و پرنسك ايكنجى كاتى حسنى بك و ايتدىكى فسادلردن طولايى شهره چيقاريلان نقش فند نامنده مراد افدينك بر جاريه سى و سائر بر كروه ملاعين مراد افدينك والده سيله متفقاً شوكتآب افدمزك عليهنده عظيم بر قوميته تشكيل و قليج على ده بر صو بولجيسى و امامى اچقه قوتيله قزانهرق صويوللرى واسطه سيله مراد افدينك والده سيله ملاقات و عريض و عميق مذاكره و يا مخبره ايلكده ايكن مرحوم ضبطيه ناظرى محمد پاشا زماننده طرف ضابطه دن حس اولنهرق عزيز بكك خانه سنده قوميته نك اجتماعى ائناسنده باصلمش و ارباب مفسدتك جمله سى توقيف ايله بعدالحا كه نفى ايدلمش ايسه ده ليئم مرقوم بولنه ميوب ملعونه مرقومه نقش فند ايله يونانستانه فرار ايلمش و حتى ملعونه مرقومه اوصره ده سرايدن اوچ درت ياشنده بر كوچك جاريه يى دخى قاچيره رق مؤخرأ اداره سندن عاجزه بولندينى جهته بك اوغلنده مارابت سورلره تسليم ايله كنديسى ملعون مرقوم غرلاندى ايله صاووشمشدر .

اخيراً معصومه مومى اليها يدى سكر ياشنده اولدينى حالده ميرلوا و يتاليس پاشا طرفندن اقامتكاهى خبر آلنهرق كيفيتى پاشاى مومى اليه عرض ايلسى اوزرينه جاريه مومى اليها طلب ايله جلب بيورلمش و مدت غيبوبتنده نصرانيتله ها لوف اولمش ايدو كندن الحاله هذه نزد هايون ولى النعميده بولنهرق يكيدن دين اسلامه ارجاعيله اشتغال قيلنمقده بولنمشدر .

[سطور آتیه ، آرى بر كاغده يازيله رق اوستنه (۱) اشارت ايدلمش ايسه ده هانكى صحيفه يه متعلق اولدينى آ كلاشيله مديغندن بورايه يازيلمشدر .] :

سلطان عبدالعزیز خلع اولنمش و مراد افندی تحت سلطنتی ضبط ایتمش و هیچ برطرفدن خاقان جدیدک اجرای نفوذ ایلمسنه مانع اوله جق برشی قلاماش اولدیفی حالده بالجله افندیلر حضراتنک وبالخاصه شوکتآب افندیمنک دائره لری اطرافندن آبلوقه بی قالدیر مامشدر و بوحال وقوع خلعدن برماه صکره یه قدر دوام ایلمش ایدی. بواثناده یعنی وقعه مؤلده فاجعه نکه همان ایرتسی و یاخود دها ایرتسی کونی امثال وقاعده سنه تبعیتله شوکتآب افندیمنک ولی عهدلره مخصوص دائره یه ورشاد افندی حضر تلیرنک، افندیمنک دائره لرینه نقل بیورملری لازم کلور ایکن و بوبابده کرک افندیمنک و کرک رشاد افندی طرفندن دفعاتله مراد افندی یه ووالده سنه مراجعت وقوع بولهرق استیدان کیفیت بیورلمش ایسده برطاقم سفسطه لرله تأخیر اولنمش و حتی برطاقم اسباب غیر معقوله ایرادیلله مراد افندیمنک اسکی دائره سندن اشیا سی بیلله تبدیل مکان ایتدیر یلمه مشدر .

بومدت ظرفنده بهر آن ودقیقه ده مراد افندی واتباعی طرفندن معانی تهیدیه بی جامع اطوار وحرکات ابرازندن کیرو طورلماش فقط کرک شوکتآب افندیمنه و کرک اهل بیت و اتباع و بندگان شاهانه لرینه علناً بر فنانلق اجرا سنه افکار عمومیه یه قارشو جرأت ایدمه مدکلرندن حمد اولسون که شوکتآب افندیمنک و برقاچ نفر جسور وصادق بندگان شاهانه لری طرفندن کوستریلن سعی واقدام و حال استطاعت ثمره حسنه سی اولمق اوزره (الحائض خائف) حدیث شریفنک سرینه مظهر اولان ارباب اغراض طرفندن تسلطه محاسرت ایدلمه مشدر .

بردفعه دخی مراد افندی طرفندن شوکتآب افندیمنه سلاملق جهتنده بندگانندن هیچ برارکک بولندیر لمامسی دارالسعاده آغاسی سلیمان آغا واسطه سیله رسماً تبیین ایتدیر یلمش و فقط افندی مشارالیه ک جتی افندیمنکجه معلوم

[اصلی ، خزینة اوراقده محفوظدر]